



ნ. ლ. ჯამბანიძის

— ავადმყოფს კალორიული კვება
სჭირდება. სიზილალა უნდა აჭამოთ!..
— სიზილალა კი მამებს, მამრამ ძელე-
სზე რაღა ვქნა?!

სიკვლევი

3 83

... ირიშრაშა თუ არა, მტერს შეუტიეს ქართველებმა. ნამძინარევი ყიზილბაშები წამოიშალნენ და იატაგანები იშიშველეს. ფერხულივით შეჭერეს რამდენიმე წრე ქართველებმა, ერთმანეთს ზურგს უმაგრებდნენ და ახლა იარაღსა და ვაჟაკობას უნდა გადაეწყვიტა ბრძოლის ბედი!.. ქართველი ყიზილბაშს ერკინებოდა, ხმალი — იატაგანს!.. ვადამდე აკაფეს იატაგანები ხმლებით!.. და იყვირა დადედლებულმა დუშმანთ სარდალმა: „ეპეი, თუ იატაგანებზე მაგარი კისრები არა გაქვთ, თავს უშველეთ!“ ცხერის ფარსავით მიერეკებოდნენ დაუპატიჟებელ სტუმრებს ბოსტანქალაქში ნანროთობი „ბასრისა მჭრელი“ ხმლებით ლომკაცები!..

... ამ სულ რაღაც ოცდაცხრამეტი წლის წინათ, მაშინ, ჯერ კიდევ ზუსტად რომ არავინ იცოდა, როდის დამთავრდებოდა დიდი სამამულო ომი, რუსთავში ახალი ქალაქის საძირკვლის ჩაყრა დაიწყო. აი, ამას ჰქვია საბჭოური ოპტიმიზმი, აი, ამიტომაა რუსთავი საბჭოთა ქვეყნის ღვიძლი შვილი, უძველეს ნაფესვარზე დამყნობილი და აღმოცენებული შრომის ქალაქი, ინტერნაციონალური ქალაქი, სოციალისტური ქალაქი, ინდუსტრიული ქალაქი, ხოლო უძველეს კვერითხუროთა შთამომავალი შოთა ლომიძე საბჭოთა სახელმწიფოს მართვაში მონაწილეობს.

— აქ, ამ ადგილას, სადაც ახლა რუსთავია გაშენებული, უძველესი დროის მრავალი რკინის ნივთია ნაპოვნი! — გვეუბნება პარტიის რუსთავის საქალაქო კომიტეტის პირველი მდივანი რენარ გიორგაძე, — ისტორიკოსების აზრით, მეტალურგიის კერა სწორედ აქ ყოფილა, ამიტომაც ქართველებს საქებარი და ხელოვნურად შესაქმნელი არ ჰქონიათ ეს დარგი — მექვიდრეობით მივიღეთ ჩვენი სახელოვანი წინაპრებისაგან.

— ხშირად გავვიგონია, რუსთავი ახალი ქალაქია და ამიტომ თავისი ტრადიციები არა აქვსო. თქვენ როგორ მიგაჩნიათ?

— აბა, გაინდეთ მოედნისაკენ (მოედანზე, ვლადიმერ ილიას ძე ლენინის ძეგლთან, საქორწინოდ გამოწყობილი ნეფე-დედოფალი სამახსოვრო სურათს იღებდა), აი, ქალაქ რუსთავის ერთ-ერთი ტრადიცია. ან შვილი რომ მაშის კვალს გაპყვება და მეტალურგთა დინასტიის შექმნის, ესეც განა ტრადიცია არ არის? თუმცა ტრადიციასაც გააჩნია. ამას წინათ რუსთაველი კაცი მოვლინებით ყოფილა რესპუბლიკის ერთ ქალაქში. ვახშამზე დაუპატიჟებით და ღვინო დაუშვლინებით, უარი უთქვამს, ღვიძლი მტკივა და ვერ დავლევო. შეზარხოშებულ მასპინძელს გატყენილი რევოლვერი მიუდვია მისთვის გულზე, ჩვენი ქალაქის ტრადიციაა, სტუმარი ისე უნდა დაათრო, შინ ბარბაცით ნავიდესო, და თუ ამ დიდებულ ტრადიციას დამირღვევ, ვაჟაკობას გეფიცები, აქვე გაგათავებო! სულ ყანებით ასვეს ღვინო და რუსთაველ ექიმებზე რომ არ ემარჯვებო, საქმე ცუდად იყო!..

— რუსთავი ინდუსტრიული ქალაქია...

— შეგიძლიათ, არ დაამთავროთ, რადგან უკვე გასაგებია, რაც განიტერესებთ. თქვენ განდათ იცოდეთ, თუ რას აკეთებს ინდუსტრიული ქალაქი სასურსათო პროგრამის გადასაწყვეტად! ალბათ დამეიანხმებით, არც ერთი სასოფლო-სამეურნეო იარაღი უღითონოდ არ კეთდება, გარდა ამისა, აშენდა უზარმაზარი აგლომერაცია, ქიმიური ქარხანა სასუქებს აწარმოებს, თითქმის ყველა საწარმოს ამ მხრივ თავისი გეგმა აქვს, ხოლო რაც შეეხება მებაღეობა-მეხილეობის ამხანაგობებს, შეგახსენებთ იმ სიტყვებს, საქართველოს კომპარტიის VII პლენუმზე რომ ითქვა: „სასუცხოო მაგალითს იძლევიან რუსთავის მეტალურგიული ქარხნის მებაღეობა-მეხილეობის ამხანაგობები. აქ კოლექტიურ მებაღეობას მეტალურგთა 1800 ოჯახი მისდევს. მათი ბაღები თვალს ახარებს, ისე კარგად არის დამუშავებული და მოვლილი“.



ქვერით- ხუროთა ნაფუძარჯა

ერთ საიდუმლოებასაც გავაზიარებთ: აქაურ ეზოებსა და სახლებს მალარი რომ მიჰკვრია, მისგან ისეთი ღვინო დგება, კაცი პირს ვერ მოაცილებს.

რუსთავი ცოცხალი ორგანიზმია, იგი სუნთქავს, ფიქრობს, შრომობს, ქმნის, აქ უხარიათ წარმატება და, რა თქმა უნდა, სწყინთ ნაკლი. ნაკლი კი, სამწუხაროდ, ჯერ კიდევ საკმაოა.

ქიმიური ქარხანა, მაგალითად, ახლა თითქმის თავიდან შენდება და, ალბათ, აღმოფხვრება ის ნაკლოვანებები, ამჟამად არა აქვთ ახალი სიმძლავრეების აუთვისებლობის, მუშაობის არარეგულარობის მხრივ, სამწუხაროა, მაგრამ გაიზრდება ქიმიური ბოჭკოს ქარხანაც. სასურველია, ის ხარვეზები, რომლებიც აქ ჯერ-ჯერობით შეინიშნება, წარმოების ზრდასთან შედარებით, არაპროპორციულად შემცირდეს. ხოლო, რაც მთავარია, შემცირდეს ჯარიმები უხარისხო პროდუქციაზე, რომლის რაოდენობამ გასული წლის პირველ ნახევარში სამოცდაცხრა ათას მანეთს მიაღწია!

სასიხარულოა, ამიერკავკასიის „მეტალურგმშენის“ №1 ტრესტის დიდი წარმატებები და საწყენია მთელი რიგი ჩავარდნები, კერძოდ: დროზე ჩაუბარებელი ობიექტები, მიწერები, ცალკეული კონსტრუქციული ელემენტების უხარისხოდ შესრულება, ხელფასის ფონდების გადახარჯვა და სხვა.

რუსთაველებმა ამ რამდენიმე წლის წინათ მონოდებით მიმართეს მთელ რესპუბლიკას — „არც ერთი ჩამორჩენილი და უდისციპლინო ჩვენი გვერდით!“ ამიტომ გვეჯერა, რომ თვითონაც პირნათლად შეასრულებენ ნათქვამს! საამისოდ კი ყველა პირობა უძველეს კვერითხუროთა ნაფუძარზე აღმდგარ ინდუსტრიული ინტერნაციონალურ ქალაქში!

ბარი მხტრეველი,
ზურაბ ქაჯანია,
„ნიანგ“ სპეცკორესპონდენტი.



ტრანსპორტალთა თათბირზე:

— დაიწყეთ მოხსენება!
— რომელი სიჩქარით?

ანდაზები

- რევიზორის დამუქრება — ფულს მისცემ და გაუქმდება!
- სანტაქნიკის მოლოდინში ტბა დადგება სახლის ძირში!
- აბუსრს ვაწყობ სილიკატურს, ვაი ჩემი სახლის პატრონს!
- ფეხსაცმელი „ისნისაო“ ლანჩს ტლინკივით ისვრისაო!
- მაღაზიის მწვანოლო, ვაი ჭამის წადილო!
- მიმტანი რომ გაკეთდება, შენი ჯიბე აფუთქდება!

3. მამუქალაზვილი



ნახ. ბ. შირცხალაშვილი

— რატომ არავინ არ გამოდის კრიტიკით?
— დღეს, ბატონო, თევზის დღეა და პირი ყველას ნყლითა აქვს სავსე!..

სამის

თქმას

სჯობს არათქმასს

ერთ სოფელში ქაიხოს უფროსი

წლეულს ზარალმა ისე დაგვრია ხელი, აუწერელია ენით: ლამის ყოველ ნაბიჯზე ჩაგვისაფრდა, მერე კი სახლში შემოგვეჭრა და მოწიფესავით ჩაგვისახლდა!.. რატომ?! ვერ ვიმუშავებთ კარგად?! — ალბათ! ზოგი ზარალის მთავარ მიზეზად უამინდობას თვლის, ზოგს რომ ჰქვითხო, სამეურნეო ტექნიკა არ გვივარგა! ზოგი ამბობს, რომ აქ სხვა არაფერი არ არის, — უყარათობაა მთავარი! ... იცი, კალოს რომ ვლენავდით, რა დაგვემართა?! იცი, რამდენი ხორბალი დაგვეფანტა?! სხვას ნულარ იკითხავ, — ზარალი ზარალზე დაგვემატა! მწესუმწირა ისე ჩაგვისურდა და აგვიძაღდა, რომ ზეთსახდელმა ქარხანამ არ მიიღო! ჩვენზე კი ახი იყო! რძის ჭურჭელს რომ რძე წურწურით გასდიოდა, — არ ვიცი, ვინ აძლევდა ცრუ ცნობებს, — ამ დროს ჩვენი ქება გვესმოდა რადიოდან! ... ვერ აუვედით ამდენ ელექტროსარქებს! დავსვით მორიგე და დავავალით — გამოართოს სინათლე, როგორც კი ოდნავ ინათებს! შევამოწმეთ, როცა ცაზე ნამცეცი ღრუბელი არ ჩანდა, მზე უხვად აფრქვევდა სითბოს და სინაზეს, იმსიგრძე შარაზე კი ენთო სინათლე! გავჯავრდით, ის ჩვენზე მეტად გაჯავრდა: — „რა მოხდა?! რას ხედავთ აქ საშიშს?!“ ზარალი?! ეს ხომ პაწია წვეთია დიდ ზღვაში?!“ ახლა მოდი და, ასწავლე ამას, რომ, როცა საქმე მიგვაგს არეულ-დარეულად, მაშინ დიდი ზღვაც კოვზით დაღეულა! მას, რა თქმა უნდა, შეეძლო ჩვენი საუვედლორი აეცდინა, მაგრამ მთელ ღამეს ბიჭებთან დღინოს რომ სვამდა, წაეძინა!.. ახლა ვთქვათ, თუ ვინ არის დამნაშავე? — რაღა თქმა უნდა, ჩვენი თავმჯდომარე! — ჰოდა, კრებაზე რომ მარტო თავმჯდომარე გავაშავეთ, ჩვენ არაფერში ვართ დამნაშავე?! — თავმჯდომარეს ცხრა თვალი და ცხრა ყური უნდა ჰქონოდა, — თქვენ ამბობთ, — კი ბატონო, მაგრამ გვერდითაც ასეთი ხალხი ხომ უნდა ჰყოლოდა?! შენ რომ საწყობის გამგე ხარ, სიტყვაზე, ხალხის მონაგარს არ უნდა უპატრონო?! რომ არ გატიალდეს ნაოფლორი, ამას გარჯა უნდა, გენაცვალე! მეც, შენცა და სხვაც ამისთვის უნდა გავისარჯოთ, ესე იგი, ჩვენც ვართ დამნაშავე! მაგრამ თავმჯდომარე უნდა დაისაჯოს! იმან უნდა დაწეროს განცხადება და წავიდეს! ვიცი, მას ეს გაუჭირდება, მაგრამ რას იზამს?! ჩვენ უფრო ფხიანი თავმჯდომარე გვჭირდება!

აღარ მინდა ტელეფონი!

თეატრალური
ხიზოქი

არ მინდა, ბატონო, ტელეფონი!
არ მინდა, მორჩა და გათავდა! ხომ
მიძილება, მეც ვიყო უტელეფონო?
ააუცილებელია, ვითომ, ისეთი
ყველას ტელეფონი რომ ედგას სახ-
ლში, ყველა რომ რეკავდეს და მთელი
ქვეყანას აწუხებდეს — არიქა, გაი-
გეთა ტელეფონი მაქვს, მერე რეკება და
გელეკავთო! ვიქნები, ბატონო, ჩემთ-
ნის წყნარად და მშვიდად ხორცებს
თუ არ ავიშლი და სხვათა საზარელად
მე მოვუმატებ, — არ დაგებდეთო!
მე კაცს ტელეფონი არ გაუფუჭდება.
გული არ დავწყვიტოთო! ასეა ხუხუ-
ტა საქმე — არ მინდა ტელეფონი,
მორჩა და გათავდა!
არ მინდა და... არც მასალებთან
კაცმა რომ თქვას. ის კი არა, დიდი
პატივიც მცეს და ნამეტანი რომ არ
მივამებოდა, მერე ჩემთვის დადგმულ
ტელეფონზე უარის თქმაც ნამეტან-
ნი რომ არ გამძნელებოდა, თავიდან-
ვე ჰქუა იხმარეს და... კარის მეზობ-
ელთან ერთად დამიდგეს ბლოკი-
რებული ტელეფონი — ასე ნაკლებ
ბედ იწვალებთ, ნერვებიც ნახევრად
მომგეშლებათ და ჩვენც ნახევარჯერ
შეგაწუხებთო. ისე, კაცმა რომ
თქვას, ლაპარაკი მეც ბევრი მიყვარს
და ჩემს მეზობელსაც, და მართლაც
გართოსია ამ ბლოკის დამყენებელი,
კოტა შესვენების და სულის მოთქ-
მის საშუალება რომ მოგვცა ორთა-
ვე მე რომ ვრეკავ, ის ისვენებს,
ბატონო; ის რომ რეკავს, მე გუცდი
და ვისვენებ. რა გინდა ახლა ამაზე
კვირ?! დამასვენეს, ბატონო, უნერ-
დამიზოგეს, ჩემი ოპოპოინსაგან
სხვათადაც ყურებზე დაუსვენეს და, რო-
გორ ფიქრობთ, ამისთვის არ ღირს
მადლობის გადახდა?!
მართო ეს რომ იყო, კიდევ არა-
ფიქრი. მადლობა იმისთვისაც ეკუთვ-
ნება, ეს „განახევრებული“ ტელეფო-
ნი ნახევარჯერ ისედაც რომ არ მუშა-
ობს. კვირაში ხუთი დღე მოშლილია,
მეას არ იღებს და ჩვენც მოსვენებუ-
ლი ვართ. მაგრამ რად გინდა? —
მერე ერთი-ორი საათით ამუშავდება
და ლაპარაკის საღერღელიც ისევ
გვეშლება კაცს. ნერვებიც, რა თქმა
უნდა. მთელი კვირის მანძილზე მი-
მუშავებული ზარის წკრიალს რომ გაი-
გებ, ძალაუნებურად გაგახსენდება
ყველაფერი: ისიც, ტელეფონი მუდამ
მეუფროსებლად რომ უნდა მუშაობ-
დეს და ისიც, ლაპარაკის ქირასაც

დროულად რომ იხდი და — ძალაუნე-
ბურად დამსხვრეული აპარატის სა-
ფასურსაც. რას იზამ, აბა, მართო მე-
თულს ხომ არ დაიკადებ სხვაში?
გაგახსენდება ყველაფერი ეს და
იწუხებ სივრცეებს, ჩხუბს, ვამათს.
მუქივეს, ჯაჯალს, კირკიტს და, რა
ვიცი, რაღა უბედურებას არას.
კვირეც კავშირგაბმულობის სამი-
ნი ბროსი. რაღაგინიარად გახერხებ
დაცავს იხდება, ვიხსანი, ვუმტვიცებ,
გახსენებ, ვაძულები, პასუხი ვო-
თავა?
— რა ვქნათ?! საერთოდ ბლოკი-
მან მალია (კულად მუშაობენ). გვეს-
მის თქვენს!
— ვითი მადლობა, მაგრამ... საქ-
მეს ეს ხომ არ შევლემ? ან სლოკებს
შეცვალდეთ სლოგანზე, შეაგეღეთ, ან
ვალეე ხალხი გაჩრავთო!
— თქვენს უბანში ხაზი არა გავა-
ცალკე ტელეფონს ვერ დავადგამო!
— ჩემს შემდეგ სამი კაცს რომ დაუ-
რღვით ჩვენს კომპლექსში? უმჯობესი
წელი გავიდა, გვირგვინით და...
— ტუ ტუ ტუ... — თანის პასუხად,
ესე ფე. შიპააუნე გაგვიწყრა, და
არავინ უწყის, რას გულისხმობს, რას
მოასწავებს ეს გაუთავებელი „ტუ-
ტუ...“ კარგს რომ არაფერს, ეს ისე-
დაც გასაგებია.
ახლა თბილისის სატელეფონო ქსე-
ლის სამმართველოს ვაწუხებ. რაღა-
ცის იმედი მაქვს, მაგრამ... პასუხი
თითქმის იგივეა, ისევ იმ „ტუ-ტუ“-თი
შეზავებულ-შელამაზებულნი, მხო-
ლოდ...
— ხაზები არა გვაქვს.
— სხვას თუ...
— არა გვაქვს ხაზები, ბატონო! —
და აქ ერთი სასიამოვნო სიახლე: —
ხაზს თუ გააყვანინებ, მერე...
„ხაზს თუ გააყვანინებ...“ საინტე-
რესოა, არა?! მაგრამ — ვის?!. რო-
გორ?!. რანაირად?!. საიდან?!. რა
გზით?!. და — რატომ?! ჰო, რატომ?!
წარმოიდგინეთ, ახლა თბილისში რა-
მდენი ბლოკირებული ტელეფონია,
და ყველამ თვითონ რომ დაიწყოს
ხაზების გაყვანა, სადამდე მივა საქ-
მე, რა მიწა ეყოფა ამდენ ხაზებს
გადასათხრელად? თანაც, მე შენ გე-
ტყვი და, ისედაც საკმაოდ არაა გადა-
თხრილი თბილისის მიწის ყოველი
მტკაველი!

ტელეფონი, სულ არ მინდა! თუც მე
მოვიშლი ამის შემდეგ ნერვებს და
სხვასაც აღარ შევაწუხებ ამდენს,
მინც არ გამოდის არაფერი. ბლოკი-
ანი კი არა, უბლოკო ტელეფონი უ-
ტყნია ღმერთს და შუაზე გაყოფილი
სიკეთე ივარგებს რამედ?! თუკი
ხურჭინივით ეს ორი მეზობელი ეო-
ნაზზე რომ ვართ გადაკიდებულნი,
ხომ ხედავთ, არ გამოდის, ბატონო,
არაფერი და რა ვქნათ, სახამ ვიყო
აუ ბლოკირებულ-ცოფირებულნი?
— ვითომ თქვენ ჩვენზე უკეთ ვო-
თავით თქვენი ტელეფონების ამბავი?
— კვირაში ხუთი დღე რომ ბლოკია გ-
ვეუტებულნი, ორი დღე ან ჩემს მეზო-
ბელს აქვს ნერვები მოშლილი, — მე
თვითონ ვარ მოშლილი და რა ვხდა-
ბად მინდა მართო ტელეფონის სა-
რატო?! რომელი სამუშეუშო ნივთი
ეს არის, სახლში მაგის დებისთვის
თვეში ორი მანეთი ვიხადო?! რასაც
ეს ნერვებს მიშლის, სამი იმდენი
კიდევ წამალში მეხარჯება ამ აშლ-
ლი ნერვების დასაწყნარებლად და...
რაში მარგებს ეს ფასიანი ნერვებამ-
ლილობა?! მე შენ გეტყვი და, სატე-
ლეფონო ქსელის მესვეურები ვად-
ზე აღრე დაგინიშნავენ პენსიას, ან
დაზღვევის ფულს გადაგიხდიან ბო-
ლიში, ბატონო, ადრე რაც გული გატ-
კინეთ, ახლა იქნებ ამით მაინც გო-
გოთ რამეო!
ა, ბატონო, ამიტომ არ მინდა ტე-
ლეფონი, საერთოდ არ მინდა! უტე-
ლეფონოდაც მშვენივრად ვგრძნობდი
ადრე თავს და ახლა რა მომივა ვი-
თომ ისეთი, გამოვწყდები ქვეყანა-
ზე, თუ რა? შევცდი ერთხელ, ბლო-
კირებული ტელეფონის დადგამაზე
რომ დავთანხმდი! ვიფიქრე, კოსმოს-
ში არ გვიჭირს ორი ხომალდის შეტე-
თება და ნორმალური მუშაობა, მა-
აგერ, ცხვირწინ, თბილისში, საიდან
ქუჩაზე, რა უბედურება დაგეზარ-
თება, ორ მეზობელს ერთი ბლოკი
როგორ ვერ აგვიტანს-მეთქი? შევც-
დი და რა ვქნა, ზედ ხომ არ ჩვეთ
გადამყოლოთ ამ შეცდომას?!
აღარა ვარ, ბატონო, ამის მაგივრად
ბლოკში, მორჩა და გათავდა! საე-
თოდ გამოთიშეთ ეს დაბლოკი-
დაბორკილი —

ჰოდა, არ მინდა, ბატონო, ამისთანა

გზა ლაგოცის. „ჭინჭარო!“



ქართული
ბიბლიოთეკა

შარშანდელი შემოდგომა დგებოდა, რომ ნიანგს ახარეს, პატარა ძამიკო შეგვიძინაო! გახარებულმა მახარობელს სამახარობლო ჯიბეში ჩაუცურა და ზოოპარკს მიამშურა ახალშობილი ჩვილის სანახავად. — მტერი გყავს?! — არა, ჩემო საყვარელო თანამოძმეო, — უთხრა ხვნეშით ბეჭემოთმა, — აქ, ჩვენთან, ნიანგის გაჩენის პირობები კი არა, რაც მხეცები და ფრინველები ვართ, საკუთარი გაჩენის დღეს... — აღარ უგდო ყური ნიანგმა ბეჭემოთის გოდებას და კუს ტბისკენ აპირებდა წასვლას, რომ ანაზ-დად გონება გაუნათდა და შუბლში იტკიცა ხელი (იცის ნიანგმა ეს შესტიცი!) — რამ დამაინყა ჩემი მთავარი ძმა, მამა და მარჩენალი ჯვებე დუმბავა, ნიანგს ამ დალოცვილ თბილისში, მის გარდა, სხვა ვინ გააჩენდაო — და მწერალთა კავშირის ახლადშობილ სასახლეში ამოყო თავი ახალშობილის გულში ჩასახუტებლად.

გავგონია?! — აი, ბატონო, გაჩნდა აქ რალაც შენი მოდგმისა, მაგრამ ბატონმა ჯვებემ და მისმა მეგობრებმა ახალგაზრდობის, სტუდენტობის ხანა გაუჩხინეთ (ეჰ, რა დრო იყო!) და მის მოსაგონებლად ბალანას „ჭინჭარი“ დაუარქვეთ, ეგერა, კედელზე, არტანუბში გაკრული!.. გულაჩუყებული ნიანგი (მასაც მოაგონდა სტუდენტობა და ჭინჭრობა) ნებიერად გატრუნულ ჩვილს მიუახლოვდა, აათვალი-


ერ-ჩაათვალიერა, აიკითხ-ჩაიკითხა და ნასიამოვნები დარჩა — კი ლონიერი ბავშვი დაბადებულაო! — ცოტა ნონაშია ნაკლები, მარა აფერია მაგი, კი მოვლით ისე გავასუქებთ, გაისად, შეიძლება, ამ კედელზეც ვერ დაეტიოს და, შენ რომ ბიბლიოთეკა გაქვს, იქ დაუბინავოთ! — დააიძვეს ნიანგი. ფრიად ნასიამოვნები წამოვიდა მწერალთა სასახლიდან ნიანგი. ხუმრობა საქმე ხომ არაა — ღვიძლი თანამოძმის ყოლა ასეთ სოლიდურ ორგანიზაციაში — ახალი სატირულ-იუმორისტული ორგანოს გაჩენა, მართალია, ხელნაწერისა, მაგრამ მაინც ორგანოსი! მოდიოდა და გულში აკაკის ცნობილი ლექსის სიტყვებს ღიღინებდა — „მივამანე: ჭინჭარში ნუ ვარდები!.. ნუ გგონია იქ ია და ვარდები!..“ თან გახარებული ფიქრობდა: — ანი მეც ქე დამადგება საშველი — ქართული მწერლები იუმორის ეშხე მოვლენ და სარჩო არ გამოიმეღვავო!.. „ნიანგის“ ძვირფასო მკითხველებო, ნობათად გთავაზობთ ჩემი უმცროსი ძმის — „ჭინჭრის“ — რამდენიმე ბუსუსოვან, მსუსხავ ფოთოლს!

ჩვენთან უსოფლიო ჰემპიონატი

ფეხბურთში მსოფლიო ჩემპიონატს საქართველოს მწერალთა კავშირის რამდენიმე სრულუფლებიანი წარმომადგენელი ესწრებოდა: გურამ ფანჭიჭიძე, ჭაბუა ამირეჯიბი, ენვერ ნიუარაძე, ავრეთვე მხატვარი გივლა ფირცხალავა, რომელიც ამ ბოლო დროს მეტს წერს, ვიდრე ხატავს, და თუ ვინმეს მაინც ხატავს — ძირითადად ისევ მწერლობს. როგორც ბატონმა ჭაბუამ და ბატონმა გურამმა ესპანეთიდან გეაცნობეს, მსოფლიო ჩემპიონატი, თურმე, დიდი ხანია ტარდება არა მარტო ფეხბურთში, არამედ მწერლობაშიც. მწერლობაში მსოფლიო ჩემპიონატებს ოთხი ათას წელზე მეტი ხნის ისტორია აქვთ. მწერალთა მსოფლიო ჩემპიონატი ტარდება ათას წელიწადში ერთხელ. სულ დღემდე ჩატარებულია ოთხი ასეთი ჩემპიონატი. გათამაშებიდან უკვე გამოვარდნენ მწერლები, რომლებიც ჩემპიონატის დაწყებამდე ფავორიტებად ითვლებოდნენ. გათამაშების შემდგომ ეტაპზე გავიდნენ ჰომეროსი, დანტე, შექსპირი, სერვანტესი, გოეთე, ბაირონი, პუშკინი... ჭგუფებში შეჯიბრება ჯერ არ დამთავრებულა. დიდად სასიხარულოა, რომ ფინალისტთა შორის საქართველოს წარმომადგენლები მრავლად არიან: ილია, აკაკი, ვუა, გალაკტიონი... მიმდინარე ჩემპიონატის საბოლოო შედეგები გამოიკვევა 2.300 წელს. ექსპერტების აზრით, მოსალოდნელია სიურპრიზები: გამოირიცხული არაა, იმედი ვერ გაამართლოს ზოგიერთმა ფავორიტმა და, პირიქით, გუნდმა, რომლისგანაც ამას არავინ მოელოდა, მედალი გაიჭრას! ერთ-ერთ ასეთ გუნდად სპეციალისტები ერთხმად მიიჩნევენ საქართველოს გუნდს, რომელიც ჩემპიონატზე ამ საქმის უდიდესმა მცოდნემ შოთა ართავაჩოს ძე რუსთაველმა ჩაიყვანა (იხ. პ. ინგოროყვას საფეხბურთო მიმოხილვები). ისლა დაგვრჩენია, მოთმინებით ველოდოთ ჩემპიონატის დასრულებას, მით უმეტეს, რომ 2.300 წლამდე არც ისე დიდი დროა დარჩენილი!

პოსტსარიტუზი

ახლა ცოტა რამ სტატისტიკიდანაც: მკითხველის კარში ყველაზე მეტი წიგნი გაიტანეს რუხებმა, ფრანგებმა, ინგლისელებმა, გერმანელებმა და ესპანელებმა. უხეშობისათვის ასპარეზოდან გააძევეს ორი მოთამაშე: იტალიელი მარინეტი და ფრანგი მარკიუ დე სადი. რამდენიმე ახალგაზრდას ჯერ საერთოდ არ უთამაშია — სათაღარიგო სკამებზე სხედან. ყოველგვარ კრიტიკაზე დაბლა დგას და ისევ საყოველთაო გულისწყრომას იწვევს არაობიექტური მსაჯობა: არბიტრების დაბალი კვალიფიკაცია აშკარაა. ზოგიერთი რეფერი შეჯიბრებიდან საერთოდ მოიხსნა. მიუხედავად იმისა, რომ ქართველებს აკლდთ რამდენიმე წამყვანი მოთამაშე (მაგალითად, დავით უიფიანი, ვისაც მსოფლიო ნაკრების წევრმა აკაკი წერეთელმა „განთიადი“ უძღვნა!), მათ მაინც დიდებული თამაში აჩვენეს.



ქეზი

ანუ ოთარ მამფორიას სხარტულები

სიკვილ-სიცოცხლის გაბაასება

სიკვილმა უთხრა სიცოცხლეს:
— „ღვინოს ნუ სვამო, იცოდე! —
გულიც ატკივა, ღვიძლიცა,
კერძი გახდები მიწისა!“

— „არ გაგახარებ, სიკვილო,
უნდა ჩაგიდგე კრიჭაში! —
ამ საღსალამათ სხეულსა
არ ჩამოგიტან მიწაში!“

უკვდავება

თუ სულიერს ანადგურებს
ნეიტრონის ცეცხლი
და უსულოს ტოვებს
სიბრძნის მთესავად, —
გიხაროდეს! — შენ და
შენი ლექსი
გადარჩით და —
უკვდავებაც ესაა!

ზოგიერთი ხულიგანი
ასაკს რას დაგიდევს? —
წვერზე ცეცხლი რომ გაიჩნდეს,
„პრიმას“ მოუკიდებს!

ღიალოგი

— სასოფლოზე სამი წელი
ვაბარებდი გამოცდებს,
მაგრამ მაინც არ ჩამრიცხეს,
მათი ჯიში ამოწყდეს!
— სამი წლის წინ, ბიჭო, სოფლად
ვაზი რომ ჩაგეყარა,
ახლა რთველი გექნებოდა,
მოალხენდი ქვეყანას!

ცოლი — ერთგული მტერია,
ქმარი — ორგული მოყვარე!
ცალ-ცალკე ასე არიან,
ერთად რაღაა ორთავე!

კეთილი პრობაქტორი

ჩვენს. ძველებს უთქვამთ, ძამია,
და გამახსენდა ამხანაღ:

— „პატარა ძღვენო, სად მიხვალ?“
— „ღიღისა წამოსაყვანად!“
შენ არც მცირედი მომართვი,
მე ქე მოგიწყვე ბალან!

ნამდვილი ლეგენდა

ღმერთმა ღვინო „ტიბაანი“
დაულოცა კახელსაო:
„ღინჯი კაცი რომ აჩქარდეს,
ამას უნდა სვამდესაო!“
გურულს უთხრა: „შენ კი, ჩემო
მორეულო ნათესავო,
მკვირცხლი ხარ და არ გაფიცხდე,
ღამილიე ადესაო!“

კითხვა-პასუხი

— რომელი უფრო მეტს ფასობს:
სიბერე, ღვანლით მოსილი,
თუ ლალი ყმანვილკაცობა?
— დაჭმუჭნილ ასმანეთიანს
ტკიცინა მანეთიანმა
ეცადა და ვერ აჯობა!

ავტობუსში კარგად მჯდომს,
ტაქსის რიგში მდგომი სჯობს!

რეჟისორმა დადგა თავის პიესა,
პრემიერა უტაშოდ შეუფასეს!
იმ პიესის დადგმას სჯობდა სცენაზე,
ლიტრა ღვინო რომ დაედგა სუფრაზე!

იუზილარი

— წელს სამოცი მისრულდება, მაგრამ
არა, ბანკეტს მე არ გადავიხდი!
— მაგი უნდა გადიხადო, ბაბა,
აბა, საბანს ბავშვიტ კი გადიხდის!



მწერალთა კავშირის მალაზია

რითმა	განცდა	გრძნობა	ქაღალდი
-------	--------	---------	---------

— თუ შეიძლება, ამინონეთ ორასი გრამი
რითმა!

- რითმა გვექონდა, მაგრამ გაგვითავდა!
- მაშინ მომეცით 150 გრამი განცდა!
- განცდა, კარგა ხანია, არ მიგვიღია!
- გრძნობა არა გაქვთ?
- გრძნობას აქ რა უნდა?!
- ამიწონეთ მაშინ ორი კილო ქაღალდი!

ტელემეაქსურებაელი მწერლების ბასაგონად

ტელევიზორის ჩამრთველი
მე ბევრი ვიცი ქართველი!
სამაგიეროდ არ ვიცნობ,
მაგის გამომრთველს არვისო!



უტკესტო ნახატები O. შაინაშვილისა

„პირიფა“ გზაცნობებს

საყოფაცხოვრებო მომსახურების კომბინატის გამოცდილმა ხელოსანმა და მწერალმა ვილი ჭამჭამაძემ საკუთარ ოჯახში (ფასანაურის მეოთხე შესახვევი №8, მეორე საღარბაზო, პირველი სართული, ბინა 0) შექმნა დაზგა, რომელზედაც უმტკივნეულოდ ხდება კლასიკური ლექსის გადაკეთება ვერლიბრად. მსურველებს ვთავაზობთ უკვე გადაკეთებული ლექსის ნიმუშს გალაკტიონის შემოქმედებიდან:

ძაფი ნერვის არ არის ჩემში პოეტის,
წვეთი სისხლი არ არის ჩემში ქართულის!..

დარეკეთ ტელეფონით: 78-37-381

ნახ. პ. შირცხალავასი



— ლიტმუშაკს ნაწარმოების დანუხებაც აღარ შეგიძლია?!
ინუხებ, ხომ არ ინონებ!..

მობლების საყურადღებოდ!

ბავშვმა დახატა მთები არხოტის:
ცუდად არც ერთი ბავშვი არ ხატავს!

გოგოლმა „მკვდარი სულების“ მეორე წიგნი დანვა,
ალავერდს გადმოვიდა და დაგვეთხოვა და დანვა!..
მე სიტყვის მერიქიფე ვარ, მე სიტყვის თამადაც ვარ,
ვიცი, ძალიან ძნელია წონასწორობის დაცვა,
ძნელია წიგნის დანერა, უფრო ძნელია დანვა,
მაგრამ ჯერ უნდა დანერო და მერე უნდა დანვა!

გ კ მ ო ტ ა ნ ა

ცარიელ ბოთლებს ვერ იტანს,
ამბობს: „ინ ვინო ვერიტას!“



რაჟღენ გვეტაძე, იოსებ გრიშაშვილი და სხვები ქუთაისში წმინდა გიორგის ეკლესიის ეზოში მამია გურიელის საფლავს ეძებდნენ. ვერ ნახეს. ერთ ლოდზე მჯდარი რაჟღენი წამოდგა, თურმე ზედ იჯდა იმ საფლავზე.

რუსთაველა მიმავალი დემნა შენგელაია პოლიკარპე კაკაბაძეს შეხვდა და გულმოსულმა უთხრა:

— რას მიშვები, პოლიკარპე?! აბა, ეს როგორ თქვი, დემნამ თავისი „განძი“ სტინბეკის „მარგალიტიდან“ გადმოწერაო?!

— ჩემო დემნა, აბა, როგორ ვიტყვი ასეთ რამეს?! არც სტინბეკის მოთხრობა წამიკითხავს და არც შენი „განძი“ ვიცი, რას წარმოადგენსო!

ერთმა ცნობილმა ქართველმა პოეტმა, როცა მოსკოვში დრუზდენის გალერეის ექსპონატების დიდებული გამოფენა დაათვალიერა, მრავალმნიშვნელოვნად განაცხადა:

— ახლა კი მივხვდი, მხატვრისთვის ფერი (საღებავი) ისეთსავე როლს ასრულებს, როგორც მწერლისთვის — მეღანიო!

საგლოზიარო განცხადებაში ვინმე ჟორესი კ-ძე ნათესავეებიანად აცხადებდა, ესა და ეს გარდამეცვალაო. ერთმა ჩვენმა მწერალმა თქვა:

— შეხედე შენ, რა სიშტერეა, იმ ჟორესისათვის მშობლებს ქუჩის სახელი არ დაურქმევიათო?! (თბილისში, მარჯანიშვილის ქუჩას ადრე ცნობილი ფრანგი საზოგადო მოღვაწის ყან ჟორესის სახელი ერქვა).



„დაფასებული“

რაც შეგეძლო, ბამბა
აჩხრიალე, ძამიკო!
შენი ნანერ-ნალვანი
ყველამ კარგად გაგიგო
და დიდ ტყემლის ტყე-პარკში
ბამბის ძეგლი აგიგო!..

სათაბვეთის პარადოქსი

წარმოიდგინეთ თავების ცირკი! —
ჰა, არენაზე, მოხდენით, სხარტად
თავგ-მწვრთნელის შოლტის
ტყლამუნზე უცებ
კისერზე ეფვანს იკიდებს კატა!..
ატყდება ერთი ტაში და ვაშა!
გუგუნებს ცირკი — პირთამდე სავსე,
მაგრამ რა ესმით ეფენის ხმა

თავგთა,

ცარიელდება დარბაზი ნამსვე!..

მომთმეა — „დიდი დანაპარგი“

ოი, რა კაცი დავკარგეთ!
ო, რა მშოვნელი,

რა ეწო!

იმის მოთლილი, ნაქაფი,
ვერ ზიდო, ასო კამერო!
ბრძანებდა: „—ხვეტე!

მნახველი


გააშტერ-გამოაღწერო!“ —
მაგრამ, ნუხელის, თვისსავე
ნაქაფ ქონს უცებ დაეხრჩო!..

ნახველ —

ცხოვრების სუკ-ბარკლის
სხვა ხერხით ამგლეჯ-ამხლეჩო!..
ოი, რა ხვითო დავკარგეთ!
ოი, რა ეწო, რა ეწო!..

გადიდებაცებული

თუ ყავარიც და კუდიც
პეტრემ იშოვა სკამით,
პაველს თუ უკვე ვეღარ ცნობს, —
ჩვენ რას გვიშავენს ამით?!
ბოლოს და ბოლოს,



რა მოხდა?! —
რაა იმაში ცუდი?! —
თავის ყავარზე თუ უდევს
პეტრეს თავისი კუდი?!
...
ვინ რას დააკლებს გაყინულს! —
მფარველის ფრთებით ფრინავს!
ვინც თავზე ბუზსაც არ ისვამს, —
ბუზს ვინ აუფრენს იმას?!

მგელი და კრავი

ერთხელაც, დახეთ, ბეკეკამ რუში
ფეხი ჩაჰკრა და აიძღვრა წყალი!..
მგელიც, მწყურვალი, იქვეა, ქვემოთ,
ხელადვე ჰკიდა ბეკეკას თვალი!..

და შემოჰყმუვლა უმწეოს რისხვით:
„ — იქნება ახლაც იმართლო თავი?! —
ვითომც სანყალი და უწყინარი
ერთი უმწეო ბრძანდები კრავი!“

და, კაცმა რომ თქვას,
ამჯერად, მართლაც,
მგელი წმინდა წყლის სტუმარად წამოვიქცევი...
და მაინც, რა ვქნა?!
ამ შემთხვევაშიც ის მგელი ტყუის!

ორატორი

დაუფერებლად დაფერებულს
ვუსმენთ ორატორს,
ავტომატივით მომართულა
და ავტომატობს
და სიტყვათა ჯერს ტყვიებივით
გვახლის და გვახლის! —
ჭეშმარიტების მთქმელი იყოს,
ვითომცდა, ახლის!
ოქროპირობა მისი „ბრძნული“,
მჭექარ-მჭეუხარი,
პატარა დარბაზს, ლამის არის,
ქვევრივით ხეთქავს,
მაგრამ რას ამბობს, რა სიკეთეს,
ან თუ საწუნხარს, —
ნაძლევს მოვდივარ, —
მსმენელთაგან ვერავინ ვერ თქვას!

მისღამი...

გულშავი და უკეთური,
სულ საავკაცოდ შეთქმული,
ვითომც ანგელოზს ერთგულობს, —
ყველა ეშმაკის ერთგული!
ხელობით ვერაგ-მზაკვარი
(ან სხვა რა ძალუძს კაცუნას?!)
ნიჭით და სულით ლატაკი,
ვითომც ღრუბლებშიც დაცურავს!..
ვინც ძმაა ვითომც მუშისა,
მეზურის, მწყემსის თუ მეგუთნის!..
ვინც თავს შეიცნობს, ძამია,
ეს ლექსი იმას ეკუთვნის!



ამბები აღიგნური...

კარაქი — მამასისხლად!

მამასისხლად გაჰყიდა სახელმწიფო სურსათ-სანოვაგე ანტონ სერგოს ძე მამასახლისაშვილმა. მუშაობდა რა ანტონი რაიკოპერატივში ექსპედიტორად, ხელს ითბობდა სახელმწიფო ქონებით. ერთ მშვენიერ დღეს მან, როგორც მატერიალურად პასუხისმგებელმა პირმა, გორის მაცივარკომბინატიდან გამოიტანა 300 კილოგრამი კარაქი და 540 ქილა შესქელებული რძე. გაქნილმა საქმოსანმა იგი საწყობის გვერდავლით გაასალა და გვარნიანი თანხა ჩაიჯობა. ანტონს დანაკლისი კი დააფარვინეს, მაგრამ ორი წლით თავისუფლების აღკვეთას ვერ შეგუებია..

ყველის ქურდი

მადა ჭამაში მოდისო! — თქვა ბორის დემურალის ძე მიქელაძემ და ხელები განზე გაშალა. რაიკოპერის ზედნადებითა და მინდობილობით ბორისმა ახალციხის ყველკარაქის მთავარი ქარხნიდან გამოიტანა 3.500 კილოგრამი ყველი. გზაზე ბევრს ფიქრობდა ექსპედიტორი. ბოლოს ფიქრების გორამ ხულოს რაიონამდე მიიყვანა, სადაც ბევრი მუშტარი აღმოაჩნდა ყველის ქურდს.

ავტომანქანა სწრაფად დაცალა და ნავაჭრით უბეები გაივსო, მაგრამ წაასწრეს!..


საქონელს რომ ენა ჰქონდეს...

უმიწყალოდ ექცეოდნენ პირუტყვს, არ უქმნიდნენ ელემენტარულ პირობებს რაიონის ზოგიერთ მეურნეობასა და კოლმეურნეობაში. რაიკოპერატურის (პროკურორი ავთანდილ თათოშვილი) ინიციატივით შემოწმდა ადიგენის რაიონის მეცხოველეობის ფერმები. ფაქტები შეუწყნარებელია — უნებართვო დაკვლა, დაცემა, ყალბი აქტები!..

გასულ წელს, საზოგადოებრივი მეურნეობების ხელმძღვანელების დაუდევრობითა და უმოქმედობის გამო, იძულებით დაიკლა და დაეცა 73 სული პირუტყვი.

ადიგენის საბჭოთა მეურნეობაში (ყოფილი დირექტორი ქ. ბაღაშვილი) იძულებითი წესით დაიკლა 16 სული მსხვილფეხა რქოსანი პირუტყვი, ბოლაჯურის კოლმეურნეობაში (თავმჯდომარე ნ. ჩხიტიანი) 8 მენველი ფური დაიკლა იძულებითი წესით. ანალოგიური მდგომარეობაა ჩორჩანის (თავმჯდომარე ი. ხოზრევანიძე), ლლოვინის (თავმჯდომარე ა. ენდლაძე) კოლმეურნეობებში. მეკცრად დაისაჯენ ზემოდსახელებული საზოგადოებრივი მეურნეობების ხელმძღვანელები, სახელმწიფოს აუნაზღაურდა თანხები, მაგრამ იმ 8 მეწველ ფურს, ან 16 მსხვილფეხა პირუტყვს რა გააცოცხლებს, რომლებიც ათასობით მანეთის მოგებას მისცემდნენ რაიონის საზოგადოებრივ მეურნეობებს?!

კუპური თორღია, „ნიანგის“ კორესპონდენტი.



ეროვნული
ბიბლიოთეკა
ნან. მ. აბაშიძის

აგეოგნების პროპაგანდა

ციურ სხეულებზე დაკვირვებამ აღამიანი სამყაროს მრავალ საიდუმლოებას აწიარა. ახლა ბავშვმაც კი იცის, რატომ ხდება მზის დაბნელება, მთვარის ფაზების ცვლა, ზღვის უუქცევა და მოქცევა. დღეს ემს არ იწვევს ის გარემოება, რომ ფრინველთა და ცხოველთა გარკვეულ სახეობათა, აგრეთვე საგნების გადაშენება-გაქრობის მიზეზი ციური სხეულებია! რა თქმა უნდა, სამყაროს გაჩენის დღიდან მომდინარე ეს პროცესი აღესაყვამდა:

როდესაც მზის სისტემაში მყოფ პლანეტათა განლაგება ხდება ერთ სწორ ხაზზე და ამ დროს დედამიწის ბრუნვის ღერძის დახრა ორბიტისადმი 90 გრადუსია, — ქრება მამაკაცის ორმოცდარვა ზომის მამისური!

როცა მზე შევა ლომის ზოდიაქოში, ხოლო მერკურის ხილული სიკაშკაშე მიაღწევს + 6 ვარსკვლავიერი სიდიდეს და ელიფსური გალაქტიკიდან წამოსული ორჭერალი ვარსკვლავის სინათლის სხივი გაივლის მზის მაგნიტურ ველს, — წყდება პატარა, ესე იგი წვრილი ლურსმანი!

თუ მაგელანის მცირე ღრუბლის გალაქტიკაში რომელიმე გიგანტ პლანეტას „დაუშვებელ“ მანძილზე მიუახლოვდა თავისი თანამგზავრი და მეტეორიტულ რგოლად იქცა, ხოლო ამ დროს მარსის მზისკვეშა წერტილის ტემპერატურამ 4.000 გრადუსს გადააჭარბა, — მთლიანად ისპობა მინუს ორი ნომერი სათვალის შუშა!

როცა მერკურის ბრუნვის დახრა ორბიტისადმი 45 გრადუსია, ხოლო ორბიტის დახრა ეკლიტიკისადმი — 7.004 გრადუსი და მეტაგალაქტიკაში წყაბალი ვარსკვლავის აფეთქების შედეგად წარმოშობილი კოსმიური სხივი ჩვენს გალაქტიკაში შემოიჭრება, მაშინ

ხილბოსტეულის მალაჩიებში უცებ გაქრება ქინძი, სამაგიეროდ, თავსაყრელად იქნება ოხრახუში!

მრავალი ასეთი მოვლენა თუ ფაქტი დღეს მეცნიერულად ახსნილია, მაგრამ უამრავი რამ ჭერჭერობით სამყაროში კვლავ იღუმალეობით არის მოცული.

მაგალითად, აღამიანის გონებისათვის ჭერაც მიუწვდომელია, თუ რა იწვევს პერიოდულად თერმომეტრის, მაკრატილის, უთოსა და მისი მაგიდის, ნემსისა და ძაფის გაქრობას!

არავინ იცის, რა მიზეზით გაქრება ხოლმე კბილის ჭაგრისი, ლამაის შუშა, გასასანი ფუნჯი, ან რატომ წყდება პერიოდულად სასადილო დანა, მაშინ, როდესაც ხელუხლებელი რჩება თითქმის იშავე ნივთიერებისგან შემდგარი ჩანგალი და, პირიქით!

იღუმალეობითაა მოცული, აგრეთვე, თუ რა ძალა სპობს ზამთარში, მინუს 20-25 გრადუსზე, ქურქებს, ბეწვეულსა და სხვა სახეობის თბილ ტანსაცმელს და რა ძალა გამოყრის მას მოულოდნელად ზაფხულის პერიოდში, პლუს 35-45 გრადუს ტემპერატურაზე!

ცხოვრება წინ მიდის! ყოველდღე ახალ-ახალი აღმოჩენების მოლოდინით ვართ დამაბულნი აღამიანი გაიჭრა კოსმოსში, ფეხი დააღვა მთვარეზე, ავტომატურმა სადგურებმა ჩამოიტანეს სინჯი სხვადასხვა პლანეტებიდან!.. იმედია, კიდევ მრავალ გრანდიოზულ აღმოჩენათა მოწმე ვავსდებით და მრავალ საიდუმლოებას ავხადებთ ფარდა!

ნოგადი ბართიანი

ბურულავი წყალტუბოში ჩაიდინენ სამკურნალოდ. ერთ-ერთმა მოასწრო გახდა და აუზში ფეხი ჩაყო.
— მოგიხთა?! — მისცივდნენ დანარჩენები.

იმერლები — ჯარში. დილით: „პოდიომი!“

ერთ-ერთი გვერდს შეიქცევს. — გადიო, ბოშო, რომელიცა პალიომა ხართ, და სხვებს გვაცალეთ ძილი!

მართი ძუნწი ატლანტის ოკეანეზე მიფრინავს. ამერიკელი მილიონერი გახდა ავად. სისხლის გადასხმავი საჭირო. მისი ჯგუფის სისხლი ამ ძუნწს აღმოაჩნდა.

— გადაუხსნი და 10.000 დოლარს მოგცემს!

— ჯერ მომცეს, თორემ ჩემი სისხლი რომ ჩაუღვრება ძარღვებში, მე ვიცი, რასაც მომცემს!

შუთისილა ლიმონათი დალია. მებუფეტემ 20 კაბიკი გადაახდევინა.

— შიკო, 20 კაბიკს რომ იღებ, შენთან რევიზია არ ყოფილა?

— რავე არ იყო, ძამია, მარა შენი ლიმონათის ფული კი არ გოდოუხნია?!

პაცს ხეზე ასვლა უნდა, მაგრამ ფესვსა ცემლის ლანჩა უსწლტება. გამვლელი ურჩევს: — რასა წვალთ, ფესვსა ცემელი გაინადე და ისე ადიო! ამან იფიქრა: რომ გავიხადო, მომპარავსო და — არა, ძმაო, რო ავალ, იქიდან სხვაგან მივდივარო!

მარჯვენათვალჩაფითღაუღლი პაციენტი შესჩივის ექიმს: ბატონო ექიმო, თვალი მტკივა, განსაკუთრებულ ტკივილს კი ჩაის სმის დროს ვგრძნობ!

ექიმი ურჩევს პაციენტს: — ჩაის კოვზი ქიქის მარცხენა მხარეს გადაიტანეთ ხოლმეო.

მალღვილი ტაქსი გააჩერა. ტაქსისტს მისამართი უთხრა. გზაზე ტაქსისტმა ახალგაზრდები ჩაისვა. ბიჭები ახორბოცდნენ.

მძლოლი ტაქსს აჩერებს: — თუ შეიძლება, ჩაბრძანდით, თქვენ, ქალიშვილო!

— რატომ?!
— მოგაყენებენ ეს სვადაგები შეურაცხყოფას და დააბრალებენ მაგასაც დათა თუთაშინას! ვიცი ეს მე!

კაცი თუთიყუშს ყიდულობს.

— რა ენებზე ლაპარაკობს?
— გერმანულად და ინგლისურად. ხედავთ, ფეხებზე ძაფები აბია. ლურჯ ძაფს გამოსწევთ — ინგლისურად ალაპარაკდება, მწვანეს — გერმანულად.

— ორივე ერთდროულად რომ გამოეწიო?
— წაფიქცივი, შე შტერო! — ამბობს იუთიყუში.

ბურული ყიდის ლობიოს. მყიდველი:

— სადაურია ეს ლობიო?
— გურული!
— თუ ძმა ხარ, მე ვერ ვარჩევ! გურული ლობიოს ყიდვა მისთვის და არ მომბატყუო! მართლა გურულია?
— გურულია, ძამა, და ყაბალას ვერ დავახურავ ახლა მე!

კვირთ ენთაღ

ქართული ხალხური იუმორი

მძლოლა წითელ შუქნიშანს ყურადღება არ მიაქცია. გააჩერეს.

— რატომ გაიარე წითელზე?
— რა ვქნა, ბატონო, ვერ დავინახე!
— კაცო, ცოცხალ ავტოინსპექტორს ხომ არ ჩამოგიკიდებთ შუქნიშნის მაგიერ?!

ზუალავე გადასულია. ქმარი ვერ იძინებს, წამდაუწუმ გვერდს იცვლის.

ცოლი: რა მოგივიდა, რატომ არ იძინებ?
მპარი: ჩვენს მეზობელს ვალი ხვალ უნდა მივცე და ფული არა მაქვს!

ცოლი ღვება და მეზობელს ურეკავს: — ჩემი ქმარი ხვალ ვალს ვერ მოგცემს, ფული არა აქვსო! შემდეგ ქმარს მიმართავს:

— ახლა შენ მოისვენე, დაიძინე და იმან იწრიალოს ლოგინში!

ბურული და კახელი ერთ კუბეში მოხვდნენ:


— დამლუბა წველს ამინდმა! სიმიინდი დათვსე და კაკალი არ მოსულა! — დაიჩილა გურულმა.
— მამაცხონებულო, სიმიინდი თუ დათვსე, კაკალი როგორ ამოვიდოდა?! — დააშვიდა კახელმა.

კახელი საცოლოესთან ერთად სეირნობს ქუჩაში. სამწვადეს რომ ჩაუარეს, ქალმა მორცხვად ჩაილაპარაკა:

— იფ, რა სუნები გამოდოდა!
— კიდევ ჩავიაროთ, რა!

ბურულს ქურდი დაადგა თავზე:

— გაინადე ქურქი!
— გაზაფხულდა, თუ?!



— შალავ, ამბობენ, წმინდან მტკიცე ჩამოვიღისო და, შენს გამარჯვებას, ზოიცი, ბაღლები დასანათლო შეგ უნდა დამინათლო!

— გიგავ, შენი ძალიან დიდი ხათრი მაქ, ძალიანა, რო შეტი არ შეიძლება. მაგრამა, შენც გეცოდინება, მე თვითონა, შარშანწინა ჩემი ბაღლები სხვას დავანათვლინე...

კახელმა მანდარინი იყიდა, გაფუქენა, — ე რამოდენა ჭურჯა ჰქონია ამ ვერანაი! — რბილი გადაადგო და ქერქს დაუწყო ქამა.

მეზობილმანე ვაჭარი ხშირი სტუმარი იყო თავისი მუღმივი და გულქართლი ფშველი მასპინძლისა. ერთხელ ეს ფშველიც ჩამოვიდა თბილისში, ივაჭრა, საღამოს თავის ნაცნობ მეწვრილმანეს მიაყიბნა, მაგრამ მან „ვერ იცნო“.

კაი ხნის შემდეგ კვლავ ეწვია მეწვრილმანე ფშველს თავისი ვაჭურული ვირით. სიმიინდს დათვი შემოიჩვივა, მოდი, ამაღამ ვუყარაულოთ, მარჯვენა მხარეს მე ჩავუსაფრდები, მარცხენა მხარეს შენ გაიკეთე საყურბო, შესთავაზა მასპინძელმა. კარგო.

შუალამე რომ გადავიდა, ფშველმა სტუმრის ვირი ახსნა და მისი პატრონის მხარეს შეადგო. გავარდა თოფი. შიირბინა მასპინძელმა. სტუმარი მოკლულ ვირს დასდგომა თაფზე...

— შენი ვერაფერი გამიგია, თბილისში ჩამოვდივარ, მე ვერა მცნობ, ფშვეში ამოდინარ და — საუთარ ვირსა! — „გაუწყრა“ მასპინძელი...

ბლარიპატი ბაბო (ბლარიკაულა) ქურდიც იყო, მოჩუხბარიც, აფერისტიც და კარგი მოლექსიც. ბლარიკაულას ვილაცამ მაგარი ალიყული აქამა.

— თო, თო, თო! ეს რა მიყ ამ... ამ...!

ბლარიკაულა მუხლმბზე დავარდა და ბალახების ქექვა დაიწყო. ხალხი გოგნდა. ვილაც მისმა ნაცნობმა ვეღარ მოითმინა:

— მანდ რას იძევა, შე ფურო?! მანდ რა უნდ შენ მამულლარს? სილა შამაგარეს, სილა!

— რას ამბობ, კაცო, რა სილა? პირში ხუთმანათიან ოქრო მეღვ, აის გამასრევი, მაგ, მაგ...!

ამბობენ, მოწინააღმდეგეს სსამართლოს ძალით ბაბომ 5 მანეთი ოქრო წაართვაო.

სარბა „არყისტი“ გახლდათ. ვინმეს რომ ღვინიანი ჭიქა შეეთავაზებინა, „ბელავა“! — იტყოდა და ღვინიან ჭიქას გვერდზე გასწევდა.

ერთხელაც „ცხორჩიგათ“ დაბრუნებულ სერგას გზაზე მეზობლები შეხვდნენ და მიულოცეს: შენმა შვილმა ისეთი ლამაზი ინგუში გოგო მოიყვანა, რომ ვარსკვლავებს ეთამაშებო.


— რაისთვი გამაპყვა, ნეტა, მაგ მაიმუნსა, მაგ უსაქმურსა, მაგასა! — გაბრაზდა სერგა.

— რაისთვი ლანძღავ, შენ შვილს რაილა სჭირს სალანძღვი? — შენიშნა ერთმა.

— ცოტაი ხერხი კი უხმარია, უთქომ იმ ქალისადა: მდიდრები ვართო, მამაჩემი ლუღის ქარხნის დირექტორია ქალაქსო, — დაუმატა მეორემ.

— იი, ძაღლისშვილი, ძაღლისშვილი! არყის ქარხანაი მაინც ეთქო! — „გაღიარია“ სერგა...

შეკრბეს: ა. ზაფრამა, ბ. ენუქიძე, მ. დიდბაგვილი, რ. მუხიანი, დ. ვაშალიანი, ს. ხაბაპურიანი, ვ. პარიკაულიანი.



სოციალური ანტიურობი

ლიტრიკი კნაპი
(გ ღ რ)

კოლექტივთან შეგუება

მაინარი დერეფანში მიმოდოდა და განერვიულებული წარბარა საათს დაჭყურებდა. უცნაურია: უკვე ათის ნახევარია და ლაბორატორიაში ჯერ არავინ არის!..

ბოლოს, როგორც იქნა, გამოჩნდა გასაღებიანი კაცი და მაიერი მოუთმენლად მივიარდა:

— გამარჯობათ, ჩემი გვარია მაიერი. მე თქვენს ლაბორატორიაში დამინიშნეს!..

— დიდად სასიამოვნოა, მე დოქტორი ვალტერი გახლავართ! ახლავე წარგადგენთ კოლეგებთან! დავიწყეთ ჩვენი მშვენიერი ლაბორანტი ქალებით...

დოქტორი ვალტერი კარს დაეჩაჩვურა, მაგრამ დაკეტილი აღმოჩნდა.

— ჰო, მართლა... სულ დამავიწყდა: ღიჭენმა გამაფრთხილა, ხვალ დილით თმა უნდა შევიღებო. მთელი კვირაა რიგში ვდგავარო. ჰერტრუდა კი კონსულტაციისათვის წაჭყვა!.. ეს დოქტორ დიურერის კაბინეტია. ერთი წუთით... რატომ არ არის? გამახსენდა: კარგ მეთუნეებს ეძებს. იცით, თავისი „ვარტბურგი“ დაამტკიცა. გვერდით კოლეგა კვარში მუშაობს. თუ არ ვცდები, დღეს მას ნახშირი უნდა მიუტანონ შინ. მის მეზობელ კოხს კი, ალბათ, მხოლოდ ზეგ, ანდა ცოტა მოგვიანებით ვინილავთ. უკვე კვირაზე მეტია, შინ ზის და ტელევიზორის ოსტატს ყარაულობს.

— ამ მაგიდასთან ვინ ზის? — ჰკითხა მაიერმა.

— ეს ადგილი უკვე ორი თვეა ცარიელია, ფუნქმა მიგვატოვა. წარმოგიდგენიათ, არ მოეწონა ის მშვიდი და საქმიანი ატმოსფერო, რომელიც ჩვენს ლაბორატორიაში სუფევს. გულახდილად რომ ვთქვათ, პირწავარდნილი ინტრიგანია, ამიერიდან ეს თქვენი ადგილი იქნება და მწამს. მუისვე შეეგუებით ჩვენს კოლექტივს, დაფასებთ ჩვენი მუშაობის სტილს!.. მე უფრო დაწვრილებით გაიმბობდით თქვენს მომავალ საქმიანობაზე, მაგრამ, სამწუხაროდ, დღეს შინ მღებავებს

ველოდები. ხომ არ გნებავდათ, გეკითხათ რამე, კოლეგა მაიერ?
— იცით, ბატონო ვალტერ... დღეს მაგდებურგიდან ჩემი და ჩამოდის და მინდოდა, დავხვედროდი...
— მიბრძანდით. გეთაყვა! გეტყობათ, საზრიანი კაცი ხართ! არ შეეჭვება, რომ ნამდვილად შეეწყობით ჩვენს კოლექტივს!

გერმანულიდან თარგმნა შოთა ამირანაშვილმა

ნახ. იორდან აოკ-ილევისა (იუგოსლავია)



საპარტიულოს სსრ ჯანმრთელობის დაცვის სამინისტრო:

„ნიანგის“ გასული წლის მე-15 ნომერში გამოქვეყნებულ წერილში „ბარათები ნიანგს“

აღნიშნული იყო გურჯაანის რაიონის სოფელ კარდანახის სასოფლო ამბულატორიის შენობის ავარიულობის ფაქტი.

ამბულატორიის შენობა დანგრეულია. მის ნაცვლად რაიონის ხელმძღვანელობამ საყოფაცხოვრებო მომსახურების სამმართველოს ახალაშენებული შენობის მეორე სართულზე გამოიყვანა შესაბამისი ფართი, სადაც ამბულატორიის მუშაობისათვის შექმნილია ნორმალური პირობები.

საპარტიულოს სსრ საავტომობილო გზების სამინისტრო:

„ნიანგის“ გასული წლის მე-11 ნომერში სათაურით — „უცნობი ყურნალისტი ჩანაწერები“ — დაბეჭდილი კრიტიკული შენიშვნა თიანეთის რაიონში მდინარე საგამზე ხიდის მშენებლობის გაჭიანურების შესახებ, სინამდვილეა.

რაიონის ფარგლებში, იორის ნაპირსამაგრ სამუშაოებთან დაკავშირებით, საჭირო შეიქმნა მდინარე საგამის რეგულირება,

რამაც გამოიწვია ადრე დაპროექტებული ხიდის ადგილის შეცვლა და შესაბამისად ახალი პროექტის შედგენა. ხიდის მშენებლობა დაწყებულია, იგი საექსპლუატაციოდ გადაეცემა 1983 წლის დასაწყისში.

ზუგდიდის რაიონის სახალხო დეპუტატთა საბჭოს აღმასრულებელი კომიტეტი:

„ნიანგის“ მე-14 ნომერში დაბეჭდილ კრიტიკულ წერილში — „ორსანტიელთა სატყვიარი“ — მოყვანილი ფაქტები სინამდვილეა.

ნაკოვანებათა გამოსასწორებლად ორსანტიის სასოფლო საბჭოს აღმასკომმა და სანერგე საბჭოთა მეურნეობამ მიიღეს

სათანადო ზომები. შეკეთდა სასოფლო კლუბის შენობა, გარდა ამისა, შედგენილია შენობის რეკონსტრუქციის ტექნიკური დოკუმენტაცია. მშენებლობა გათვალისწინებულია 1983 წლისათვის. ამავე წლისათვის შეიცვლება აგრეთვე ელექტრობოძები. სოფელს უკვე აქვს მარტივი ტიპის სტადიონი, შექმნილია სპორტული ინვენტარი, მეურნეობას აყვანილი ჰყავს მეთოდსტი. იმართება სპორტული ღონისძიებანი.





სატირისა და იუმორის ჟურნალი „ნიანგი“ № 3 (1536) თებერვალი. გამოდის 1923 წ. იენისიდან.

მთავარი რედაქტორი
ზაურ გოლჭავაძე

სარედაქციო კოლეგია:

ჭაბუკა ამირეჯიბი, ნომად ბართია, ბორის გურგულია, ნოდარ დუმბაძე, რევაზ თვარაძე, ჭემალ ლოლუა, ნოდარ მაღალაშვილი (მხატვარი - რედაქტორი), ალექსანდრე სამსონია, ბეჟან სიხარულიძე (პაუზის მკვებელი მდივანი), გიგლა ფირცხალავა, ჯანსუღ ჩარკვიანი, თამაზ წიფწივაძე, ვაჟა ჭანიშვილი (მთავარი რედ. მოადგილე), ნაფი ჭუსიძიძე.

ტექნიკური რედაქტორი
მიხეილ კუხალაშვილი

გალეცა ასაწყობად 6 1, 83 წ. ხელმოწერილია და საბეჭდად 17. 2. 83 წ. ჯალალაბადი ზომა 60X90/2 ფიზიკური ნაბეჭდი ფურცელი, 1,25. სადრიცხო-სავაჭრომცემლო თაბახი 1,7. საქართველოს კბ ცკ-ის გამომცემლობა, ლენინის, 14. შეკვეთა №65 უფ. 06921 ტირაჟი 136.000. ჟურნალი გამოდის თვეში ორჯერ. რედაქციაში შემოსული მასალები ავტორებს არ უბრუნდებათ.

ჩვენი მისამართი: 380008 თბილისი-8 რუსთაველის პრესბუქტი № 42.

ტელეფონები: მთავარი რედაქტორის — 99-55-54. მთ. რედ. მოადგილის — 93-19-42, პ/მ მდივნის — 93-10-78, მხატვარი-რედაქტორის — 99-02-38, განყოფილებათა გამგებების — 93-49-32, რედაქტორ-ლიტმუშაკების — 99-02-38, მდივანი - მემანქანის — 99-76-69.

Сатирико-юмористический журнал «НИАНГИ» (На грузинском языке) Тбилиси, пр. Руставели № 42. Издательство ЦК КП Грузии. Типография издательства ЦК КП Грузии, Тбилиси, улица Ленина № 14.

ფასი 20 აპპიკი
ინდექსი 76137



7-83

სოველწლიურად 4-5 ათას კაცს ითხოვენ აშშ-ის სარაკეტო ჯარებიდან არანორმალური ფსიქოლოგიური და ფიზიკური მდგომარეობის გამო. გაზეთებიდან

ფარადი საფრთხე



3. მომრჩაძე 82

ეროვნული
ნიგელითქან

